



Bosnia and Herzegovina  
Federation of Bosnia and Herzegovina

**CANTON SARAJEVO**  
**Ministry of Physical Planning Construction and**  
**Environmental Protection**

Broj: 05-05-27142/19 RA  
Sarajevo, 14.10.2019. godine

**SKUPŠTINA KANTONA SARAJEVO**  
**- o v d j e -**  
**n/r Elmedin Konaković, predsjedavajući**

**PREDMET:** Dostava dopune odgovora na zastupničko pitanje – zastupnica Vildana Bešlija

Zastupnica u Skupštini Kantona Sarajevo, Vildana Bešlija, na Desetoj Radnoj sjednici Skupštine Kantona Sarajevo, održanoj dana 24.06.2019. godine, u okviru tačke Dnevnog reda "poslanička/zastupnička pitanja, inicijative i odgovori", postavila je zastupnička pitanja, kako slijedi:

*"Ko je nadležan za upravljanje i održavanje izletišta Stojčevac?"*

*Ko ima pravo da naplaćuje parking i boravak na pomenutom izletištu?"*

*Da li nadležne Kantonalne inspekcije obilaze preko vikenda izletišta?"*

*Kako je moguće da neka grupa građana naplaćuje parking, a da ne postoji cjenovnik na ulazu na izletišta i uz to da se tjeraju posjetioци zbog dolaska sa kućnim ljubimcima (psima)?"*

**DOPUNA ODGOVORA:**

U prvobitnom dopisu broj:05-05-27142/19 od 27.08.2019. godine Ministarstvo prostornog uređenja, građenja i zaštite okoliša navelo je, između ostalog, da je zastupnička pitanja prosljedilo Kantonalnoj upravi za inspeksijske poslove sa zahtjevom za dostavljanje odgovora, kao i izvršenje konkretnog inspeksijskog nadzora na terenu u funkciji pripreme istog. U međuvremenu je dobijen odgovor nadležne kantonalne inspekcije u ovom predmetu, a koji dostavljamo u prilogu.

S poštovanjem,

Prilog:

- Odgovor Kantonalne uprave za inspeksijske poslove broj: 14-02-05-04207/19 od 16.09.2019. godine

**MINISTAR**  
  
**Damir Ćurupović, MA prava**



Dostaviti:

- ☞ Naslov
- Stručna služba Vlade Kantona Sarajevo (na znanje)
- Evidencija
- a/a



Bosna i Hercegovina  
Federacija Bosne i Hercegovine  
**KANTON SARAJEVO**  
Kantonalna uprava za inspekcijske  
poslove



Босна и Херцеговина  
Федерација Босне и Херцеговине  
**КАНТОН САРАЈЕВО**  
Кантонална управа за инспекцијске,  
послове

Bosnia and Herzegovina  
Federation of Bosnia and Herzegovina  
**CANTON SARAJEVO**  
**Cantonal Administration for Inspection Issues**

Broj: 14-02-05-04207/19  
Sarajevo, Septembar 16. 2019. godine

18-09-2019

05 05 27152-19  
19

**MINISTARSTVO PROSTORNOG UREĐENJA, GRAĐENJA I ZAŠTITE OKOLIŠA**  
(Na pažnju ministra, Damira Filipovića MA prava)

**PREDMET: *Odgovor na zastupničko pitanje, dostavlja se;***  
**VEZA: *Vaš akt broj: 05-05-27142/19 od 26.08.2019. godine***

Vezano za Vaš akt broj i datum kao u predmetu veze, kojim ovom organu dostavljate zastupničko pitanje postavljeno od strane zastupnice Vildane Bešlije, na sjednici Skupštine Kantona Sarajevo održanoj dana 24.06.2019. godine, koje glasi:

- Ko je nadležan za upravljanje i održavanje izletišta "Stojčevac"?
- Ko ima pravo da naplaćuje parking i boravak na pomenutom izletištu?
- Da li nadležne Kantonalne inspekcije obilaze preko vikenda izletišta?
- Kako je moguće da neka grupa građana naplaćuje parking, a da ne postoji cjenovnik na ulazu na izletišta i uz to da se tjeraju posjetioци zbog dolaska sa kućnim ljubimcima (psima) ?",

u funkciji pripreme odgovora i vršenja inspekcijskog nadzora ističemo da je isto na dalje postupanje prosljedno nadležnim inspekcijskim službama, koje djeluju unutar ovog organa.



web: <http://kuip.ks.gov.ba>, mail: [kuip@kuip.ks.gov.ba](mailto:kuip@kuip.ks.gov.ba)

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

Postupajući po zaprimljenom zastupničkom pitanju, kantonalni inspektor zaštite prirode je dana 09.09.2019. godine u saradnji sa nadzornikom prirode, uposlenikom Kantonalne javne ustanove za zaštićena prirodna područja Kantona Sarajevo obišao predmetni lokalitet radi utvrđivanja stvarnog činjeničnog stanja o čemu je sačinjen zapisnik broj: UP-1-14-06/14-23.3-16406/19 od 09.09.2019. godine.

Nakon dobivenih saznanja koja se odnose na upravljanje zaštićenim područjem, dana 10.09.2019. godine izvršen je inspekcijski nadzor nad "Udruženjem 4. viteške motorizovane brigade Ilidža- diverzantski odred" koje upravlja ovim područjem, o čemu je sačinjen zapisnik broj: UP-1-14-06/14-23.3-16406/19 od 10.09.2019. godine.

U toku provedenog inspekcijskog nadzora kontaktovano je da se prema Zakonu o proglašenju Spomenika prirode „Vrelo Bosne“ („Službene novine Kantona Sarajevo“, broj 6/10 – Prečišćeni tekst), lokalitet Stojčevca sa pratećim objektima (Titina vila) i zelene površine nalazi se u II zoni zaštite Spomenika prirode „Vrelo Bosne“.

Ovo područje bilo je u vlasništvu Socijalističke Republike Bosne i Hercegovine i trebalo bi biti u vlasništvu nadležnih institucija na državnom nivou, ali zbog nepostojanja zakonske regulative o državnoj imovini na nivou Bosne i Hercegovine, pravni status izletišta Stojčevac je i dalje nedefinisan.

Imajući u vidu da se radi o još neregulisanoj državnoj imovini, a shodno članu 3. stav 1. Odluke o osnivanju Kantonalne javne ustanove za zaštićena prirodna područja Kantona Sarajevo („Službene novine Kantona Sarajevo“, broj 31/17), kojom se Spomenik prirode „Vrelo Bosne“ daje na upravljanje ovoj javnoj ustanovi, izletišta Stojčevac i širi prostor u državnom vlasništvu trebao bi da je u nadležnosti ove javne ustanove.

Udruženje 4 VMBR – Diverzantski odred ovim prostorom upravlja od aprila 2015. godine na osnovu saglasnosti načelnika Općine Ilidža i Kantonalne javne ustanove za zaštićena prirodna područja Kantona Sarajevo uz uslov da se poštuju mjere zaštite prirode koje se utvrđene Zakonom o proglašenju Spomenika prirode „Vrelo Bosne“ („Službene novine Kantona Sarajevo“, broj 6/10 – Prečišćeni tekst), a koje se odnose na:

- a) Zabranu parkiranja na zelenim površinama,
- b) Zabranu izgradnje objekata,
- c) Zabranu korištenja otvorenog plamena,
- d) Zabranu puštanja pasa sa uzice,
- e) Zabranu masovnog okupljanja ljudi, priređivanja koncerata i proslava,
- f) Zabranu eksploatacije podzemnih vodnih resursa sa obaranjem podzemnih voda na nivo koji remeti prirodni hidrološki režim i eko sistem vegetacije,
- g) Zabranu plovljenja i kupanja u vodotocima,
- h) Zabranu sječe šume,



web: <http://kuip.ks.gov.ba>, mail: [kuip@kuip.ks.gov.ba](mailto:kuip@kuip.ks.gov.ba)

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

- i) Zabranu odlaganja otpada, pijeska i šljunka u vodotoke i zemljište,
- j) Zabranu pristupa i pranja motornih vozila u riječnim koritima.

Imajući u vidu da sa svojim kapacitetom i ljudstvom ovo udruženje nije u stanju samostalno održavati prostor, u održavanju istog sudjeluje i Kantonalna javna ustanova za zaštićena prirodna područja Kantona Sarajevo u domenu: očuvanja vodnih ekosistema, uređenja livadskih ekosistema i čišćenje od komunalnog otpada, uređenja šumskih ekosistema, te uređenja i čišćenja memorijalnog spomen obilježja poginulim borcima Armije Republike Bosne i Hercegovine za period 1992- 1995. godine.

Ovo udruženje koje radi zajedno sa Udruženjem ratnih vojnih invalida Općine Ilidža, osim što vrši usluge naplate parkinga na izletištu Stojčevac ima nadležnost i za naplatu parkinga na parking prostoru na Vrelu Bosne i u Velikoj aleji.

Predstavnik Udruženja 4 VMBR - Diverzantski odred, koji je bio prisutan inspeksijskom nadzoru je izjavio da često imaju problema sa izletnicima koji svoje pse kupaju u jezeru Stojčevac, a što nije dozvoljeno ni sa aspekta zaštite vode za piće, jer se predmetni lokalitet nalazi u II zoni zaštite izvorišta vode za piće Sarajevsko polje, te zbog toga nekada dolaze u sukob sa posjetiocima koji nemaju razumjevanja.

Na cijelom prostoru Spomenika prirode "Vrelo Bosne" vrši se redovan inspeksijski nadzor u okviru preventivnog djelovanja nadležne inspekcije u saradnji sa nadzornicima prirode Kantonalne javne ustanove za zaštićena prirodna područja Kantona Sarajevo i poduzimanju zakonom predviđene mjere.

S poštovanjem,

*Dostavlja se:*

- 1. Naslovu
- 2. a/a



web: <http://kuip.ks.gov.ba>, mail: [kuip@kuip.ks.gov.ba](mailto:kuip@kuip.ks.gov.ba)

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb